

## IARSCRÍBHINN IX

## Liosta dá dtagraítear in Airteagal 24 den Ionstraim Aontachais: An Liotuáin

## 1. SAORGLUAISEACHT EARRAÍ

1. 32001 L 0082: Treoir 2001/82/CE ó Pharlaimint na hEorpa agus ón gComhairle an 6 Samhain 2001 maidir leis an gcód Comhphobail a bhaineann le táirgí míochaine tréidliachta (IO L 311, 28.11.2001, lch. 1).

Údaruithe margaíochta do na táirgí cógaisíochta atá ar an liosta (i bhFoscscríbhinn A a ghabhann leis an Iarscríbhinn seo mar atá arna sholáthar ag an Liotuáin in aon teanga amháin) arna n-eisiúint faoi dhlí na Liotuáine roimh dháta an aontachais, fanfaidh siad, de mhaolú ar na ceanglais cháilíochta, sábháilteachta agus éifeachtúlachta atá leagtha síos i dTreoir 2001/82/CE, bailí go dtí go ndéanfar iad a athnuachan i gcomhlíonadh an acquis agus i gcomhréir leis an amchlár atá leagtha amach sa liosta thuasluaite, nó go dtí an 1 Eanáir 2007, cibé acu is túisce. D'ainneoin fhorálacha Theideal III, Caibidil 4, den Treoir, ní thairbheoidh údaruithe margaíochta arna bhfolú ag an maolú seo d'aitheantas frithpháirteach sna Ballstáit.

2. 32001 L 0083: Treoir 2001/83/CE ó Pharlaimint na hEorpa agus ón gComhairle an 6 Samhain 2001 maidir leis an gcód Comhphobail a bhaineann le táirgí míochaine d'úsáid an duine (IO L 311, 28.11.2001, lch. 67).

Údaruithe margaíochta do na táirgí cógaisíochta atá ar an liosta (i bhFoscscríbhinn A a ghabhann leis an Iarscríbhinn seo mar atá arna sholáthar ag an Liotuáin in aon teanga amháin) arna n-eisiúint faoi dhlí na Liotuáine roimh dháta an aontachais, fanfaidh siad, de mhaolú ar na ceanglais cháilíochta, sábháilteachta agus éifeachtúlachta atá leagtha síos i dTreoir 2001/83/CE, bailí go dtí go ndéanfar iad a athnuachan i gcomhlíonadh an acquis agus i gcomhréir leis an amchlár atá leagtha amach sa liosta thuasluaite, nó go dtí an 1 Eanáir 2007, pé acu is luaithe. D'ainneoin fhorálacha Theideal III, Caibidil 4, den Treoir, ní thairbheoidh údaruithe margaíochta arna bhfolú ag an maolú seo d'aitheantas frithpháirteach sna Ballstáit.

## 2. SAORGLUAISEACHT DAOINE

An Conradh ag bunú an Chomhphobail Eorpaigh;

31968 L 0360: Treoir 68/360/CEE ón gComhairle an 15 Deireadh Fómhair 1968 maidir le srianta a dhíothú ar ghluaiseacht agus cónaí sa Chomhphobal d'oibríthe ó na Ballstáit agus dá dteaghligh (IO L 257, 19.10.1968, lch. 13), mar atá arna leasú go deireanach le:

— 11994 N: An Ionstraim i dtaobh coinníollacha aontachais agus oiriúnuithe na gConarthaí – Aontachas Phoblacht na hOstaire, Phoblacht na Fionlainne agus Ríocht na Sualainne (IO C 241, 29.8.1994, lch. 21).

31968 R 1612: Rialachán (CEE) Uimh. 1612/68 ón gComhairle an 15 Deireadh Fómhair 1968 maidir le saorghluaiseacht oibríthe laistigh den Chomhphobal (IO L 257, 19.10.1968, lch. 2), mar atá arna leasú go deireanach le:

— 31992 R 2434: Rialachán (CEE) Uimh. 2434/92 ón gComhairle an 27.7.1992 (IO L 245, 26.8.1992, lch. 1);

31996 L 0071: Treoir 96/71/CE ó Pharlaimint na hEorpa agus ón gComhairle an 16 Nollaig 1996 maidir le hoibríthe a phostú faoi chuimsiú seirbhísí a sholáthar ( IO L 18, 21.1.1997, lch.1).

1. I dtaca le saorghluaiseacht oibríthe agus saoirse seirbhísí a sholáthar lena mbaineann gluaiseacht shealadach oibríthe mar atá sainithe in Airteagal 1 de Threoir 96/71/CE idir an Liotuáin, ar thaobh amháin, agus an Bheilg, Poblacht na Seice, an Danmhairg, an Ghearmáin, an Eastóin, an Ghréig, an Spáinn, an Fhrainc, Éire, an Iodáil, an Laitvia, Lucsamburg, an Ungáir, an Ísiltír, an Ostair, an Pholainn, an Phortaingéil, an tSlóivéin, an tSlóvaic, an Fhionlainn, an tSualainn agus an Ríocht Aontaithe ar an taobh eile, ní bheidh feidhm go hiomlán ag Airteagal 39 agus ag an gcéad mhír d'Airteagal 49 de Chonradh CE ach amháin faoi réir na bhforálacha idirthréimhseacha atá leagtha síos i míreanna 2 go 14.

2. De mhaolú ar Airteagal 1 go 6 de Rialachán (CEE) Uimh. 1612/68 agus go dtí deireadh na tréimhse dhá bhliain tar éis dháta an aontachais, féadfaidh na Ballstáit láithreacha bearta náisiúnta, nó bearta a thig ó chomhaontuithe déthaobhacha, a rialaíonn rochtain ar a margaí saothair, ag náisiúnaigh na Liotuáine a chur i bhfeidhm. Féadfaidh na Ballstáit láithreacha leanúint de bhearta den sórt sin a

chur i bhfeidhm go dtí deireadh na tréimhse cúig bliana tar éis dháta an aontachais.

Náisiúnaigh na Liotuáine atá ag obair go dleathach i mBallstát láithreach arna ligean isteach ar mhargadh saothair de chuid na Ballstáit sin tar éis an aontachais ar feadh tréimhse 12 mí nó níos faide gan briseadh, tairbheoidh siad de rochtain ar mhargadh saothair an Bhallstáit sin ach ní thairbheoidh siad de rochtain ar mhargadh saothair Ballstát eile a chuireann bearta náisiúnta i bhfeidhm.

Náisiúnaigh na Liotuáine arna ligean isteach ar mhargadh saothair de chuid na Ballstáit láithreach tar éis an aontachais ar feadh tréimhse 12 mí nó níos faide gan briseadh, tairbheoidh siad de na cearta céanna.

Scoirfidh náisiúnaigh an Liotuáine atá luaite sa dara fómhír agus sa tríú fómhír thuas de thairbhí de na cearta atá cuimsithe sna fómhíreanna sin má fhágann siad go deonach margadh saothair an Bhallstát láithreach i dtrácht.

Náisiúnaigh na Liotuáine atá ag obair go dleathach i mBallstát láithreach ar dháta an aontachais nó le linn tréimhse ina gcuirtear bearta náisiúnta i bhfeidhm agus a ligeadh isteach ar mhargadh saothair an Bhallstáit sin ar feadh tréimhse is lú ná 12 mí, ní thairbheoidh siad de na cearta sin.

3. Roimh dheireadh na tréimhse dhá bhliain tar éis dháta an aontachais, déanfaidh an Chomhairle oibrí na bhforálacha idirthréimhseacha atá leagtha síos i mír 2 a athbheithniú ar bhonn tuarascála ón gCoimisiún.

Tráth chríochnú an athbheithnithe sin, agus tráth nach déanaí ná deireadh na tréimhse dhá bhliain tar éis dháta an aontachais, tabharfaidh na Ballstáit láithreacha fógra don Choimisiún á rá cé acu an leanfaidh siad de bhearta náisiúnta nó bearta a thig ó chomhaontuithe déthaobhacha a chur i bhfeidhm nó an gcuirfidh siad Airteagal 1 go 6 de Rialachán (CEE) Uimh. 1612/68 i bhfeidhm feasta. Cheal fógra den sórt sin, beidh feidhm ag Airteagal 1 go 6 de Rialachán (CEE) Uimh. 1612/68.

4. Arna iarraidh sin don Liotuáin, féadfar athbheithniú amháin eile a dhéanamh. Beidh feidhm ag an nós imeachta dá dtagraítear i mír 3 agus críochnófar é laistigh de shé mhí ón iarraidh a fháil ón Liotuáin.

5. Ballstát a dhéanann bearta náisiúnta nó bearta a thig ó chomhaontuithe déthaobhacha a choimeád ar bun ag deireadh na tréimhse cúig bliana atá sonraithe i mír 2, féadfaidh sé, i gcás suaitheadh tromchúiseach ar a mhargadh saothair nó bagairt dá leithéid agus tar éis fógra a thabhairt don Choimisiún, leanúint de na bearta sin a chur i bhfeidhm go dtí deireadh na tréimhse seacht mbliana tar éis dháta an aontachais. Cheal fógra den sórt sin. beidh feidhm ag Airteagail 1 go 6 de Rialachán (CEE) Uimh. 1612/68.

6. I rith na tréimhse seacht mbliana tar éis dháta an aontachais, na Ballstáit ina bhfuil feidhm de bhua mhíreanna 3, 4 nó 5, ag Airteagail 1 go 6 de Rialachán 1612/68 (CEE) i leith náisiúnaigh na Liotuáine agus atá ag eisiúint ceadanna oibre do náisiúnaigh na Liotuáine i rith na tréimhse sin, déanfaidh siad amhlaidh go huathoibríoch.

7. Na Ballstáit ina bhfuil feidhm de bhua mhíreanna 3, 4 nó 5, ag Airteagail 1 go 6 de Rialachán (CEE) Uimh. 1612/68 i leith náisiúnaigh na Liotuáine, féadfaidh siad dul ar iontaoibh na nósanna imeachta atá leagtha amach sna fomhíreanna thíos go dtí deireadh na tréimhse seacht mbliana tar éis dháta an aontachais.

Nuair atá suaitheadh ar mhargadh saothair ceann de na Ballstáit dá dtagraítear sa chéad fhomhír a d'fhéadfadh dochar tromchúiseach a dhéanamh don chaigéadán maireachtála nó don leibhéal fostaíochta i réigiún nó i ngairm áirithe, nó nuair a dhéanann sé suaitheadh den sórt sin a thuar, cuirfidh an Ballstát sin an Coimisiún agus na Ballstáit eile ar an eolas faoi agus déanfaidh sé na sonraí uile ábhartha a sholáthar dóibh. Ar bhonn na faisnéise sin, féadfaidh an Ballstát sin iarraidh ar an gCoimisiún a dhearbhu go bhfuil cur i bhfeidhm Airteagail 1 go 6 de Rialachán (CEE) Uimh. 1612/93 á fhionraí go hiomlán nó go páirteach, d'fhonn an staid sa réigiún nó sa ghairm sin a athbhunú ina gnáth-riocht. Tráth nach déanaí ná dhá sheachtain tar éis iarraidh den sórt sin a fháil, glacfaidh an Coimisiún cinneadh ar an bhfionraí agus ar a tréimhse agus a raon feidhme. Féadfaidh aon Bhallstát, laistigh de dhá sheachtain ó dháta an Chinnidh ón gCoimisiún, a iarraidh ar an gComhairle an Cinneadh a neamhniú nó a leasú. Gníomhóidh an Chomhairle ar iarraidh den sórt sin trí thromlach cáilithe laistigh de dhá sheachtain.

I gcásanna práinneacha agus eisceachtúla, féadfaidh Ballstát dá dtagraítear sa chéad fhomhír cur i bhfeidhm Airteagail 1 go 6 de Rialachán (CEE) Uimh. 1612/68 a fhionraí, agus fógra réasúnaíthe ex-post a thabhairt don Choimisiún ina dhiaidh sin.

8. Fad atá cur i bhfeidhm Airteagail 1 go 6 de Rialachán (CEE) Uimh. 1612/68 ar fionraí de bhua míreanna 2 go 5 agus 7 thuas, beidh feidhm sa Liotuáin ag Airteagal 11 den Rialachán i leith náisiúnaigh na mBallstát láithreach, agus beidh feidhm aige sna Ballstáit láithreacha i leith náisiúnaigh na Liotuáine faoi na coin- niollacha seo a leanas:

— na baill de theaghlach oibrí dá dtagraítear in Airteagal 10 (1) (a) den Rialachán a bhfuil cónaí orthu go dleathach in éineacht leis an oibrí ar chríoch Bhallstáit ar dháta an aontachais, beidh acu, tráth an aontachais, rochtain láithreach ar mhargadh saothair an Bhallstáit sin. Níl feidhm aige seo maidir le baill de theaghlach oibrí atá ag obair go dleathach i mBallstát láithreach ar dháta an aontachais a ligeadh isteach ar mhargadh saothair an Bhallstáit sin ar feadh tréimhse is lú ná 12 mí;

— na baill de theaghlach oibrí dá dtagraítear in Airteagal 10 (1) (a) den Rialachán a bhfuil cónaí orthu go dleathach in éineacht leis an oibrí ar chríoch Bhallstáit ó dháta is déanaí ná dáta an aontachais ach i rith na tréimhse ina gcuirtear i bhfeidhm na forálacha idir- thréimhseacha atá leagtha síos thuas, beidh rochtain acu ar mhargadh saothair an Bhallstáit i dtrácht a thúsce atá cónaí orthu sa Bhallstát i dtrácht ar feadh ocht mí dhéag ar a laghad nó ón tríú bliain tar éis dháta an aontachais, cibé acu is túsce.

Beidh na forálacha seo gan dochar do bhearta níos fabhraí, bíodh siad ina mbearta náisiúnta nó ina mbearta a thig ó chomhaontuithe déthaobhacha.

9. Sa mhéid nach féidir forálacha áirithe de Threoir 68/360/CEE a dhealú ó na forálacha sin de Rialachán (CEE) Uimh. 1612/68 a gcuirtear siar a gcur i bhfeidhm de bhun mhíreanna 2 go 5 agus 7 agus 8, féadfaidh an Liotuáin agus na Ballstáit láithreacha maolú ar na forálacha sin a mhéad is gá chun míreanna 2 go 5 agus 7 agus 8 a chur i bhfeidhm.

10. Aon uair a chuireann na Ballstáit láithreacha bearta náisiúnta nó bearta a thig ó chomhaontuithe déthaobhacha i bhfeidhm de bhua na mbeart idirthréimhseach atá leagtha síos thuas, féadfaidh an Liotuáin bearta coibhíseacha a choimeád i bhfeidhm i leith náisiúnaigh na mBallstát nó an Bhallstáit i dtrácht.

11. Má fhionraíonn aon cheann de na Ballstáit láithreacha cur i bhfeidhm Airteagail 1 go 6 de Rialachán (CEE) Uimh. 1612/68, féadfaidh an Liotuáin dul ar iontaoibh na nósanna imeachta atá leagtha síos i mír 7 i leith Phoblacht na Seice, nó i leith na hEastóine, na hUngáire, na Polainne, na Slóivéine nó na Slóvaice. I rith aon tréimhse den sórt sin, déanfar go huathoibríoch ceadanna oibre arna n-eisiúint ag an Liotuáin chun críocha faireacháin a eisiúint chuig náisiúnaigh Phoblacht na Seice, na hEastóine, na Laitvia, na hUngáire, na Polainne, na Slóivéine nó na Slóvaice.

12. Féadfaidh aon Bhallstát láithreach, agus bearta náisiúnta á gcur i bhfeidhm aige i gcomhréir le míreanna 2 go 5 agus 7 go 9, saorghluaiseacht is mó ná mar atá ann ar dháta an aontachais, lena n-áirítear rochtain iomlán ar mhargadh an tsaothair, a thabhairt isteach faoin dlí náisiúnta. Ón tríú bliain tar éis dháta an aontachais, féadfaidh aon Bhallstát láithreach a chuireann bearta náisiúnta i bhfeidhm a chinneadh tráth ar bith Airteagail 1 go 6 de Rialachán (CEE) Uimh. 1612/68 a chur i bhfeidhm ina n-ionad. Cuirfear an Coimisiún ar an eolas faoi aon chinneadh den sórt sin.

13. Fad a chuireann siad bearta náisiúnta nó bearta a thig ó chomhaontuithe déthaobhacha i bhfeidhm, de bhua na bhforálacha idir- thréimhseacha atá leagtha amach thuas, maidir le saorghluaiseacht oibríthe na Liotuáine, féadfaidh an Ghearmáin nó an Ostair, tar éis fógra a thabhairt don Choimisiún, maolú ar an gcéad mhír d'Airteagal 49 de Chonradh CE chun díriú ar shuaitheadh tromchúiseach a bhaineann le gluaiseacht shealadach oibríthe a bhfuil a gceart chun gabháil le hobair faoi réir beart náisiúnta sa Ghearmáin nó san Ostair, nó chun díriú ar bhagairt den sórt sin, in earnálacha íogaire seirbhíse ar a margaí saothair a d'fhéadfadh teacht chun cinn i réigiún áirithe de dhroim soláthair trasnáisiúnta seirbhíse, mar atá sainithe in Airteagal 1 de Threoir 96/71/CE, agus an maolú sin á dhéanamh d'fhonn teorainn a chur, i gcomhthéacs seirbhíse a sholáthar ag cuideachtaí arna mbunú san Liotuáin, le gluaiseacht shealadach oibríthe a bhfuil a gceart gabháil le hobair sa Ghearmáin agus san Ostair faoi réir beart náisiúnta.

Is mar a leanas atá liosta na n-earnálacha a d'fhéadfaí a fholú leis an maolú seo:

— sa Ghearmáin:

Earnáil	Cód NACE ( <sup>1</sup> ), mura sonraítear a mhalairt
Foirgníocht, lena n-áirítear brainsí gaolmhara	45.1 go 4; Gníomhaíochtaí atá liostaithe san Iarscríbhinn a ghabhann le Treoir 96/71/CE
Glantachán tionsclaíoch	74.70 Glantachán tionsclaíoch
Seirbhísí eile	74.78 Gníomhaíochtaí maisitheoirí istigh amháin

— san Ostair:

Earnáil	Cód NACE ( <sup>1</sup> ), mura sonraítear a mhalaírt
Gníomhaíochtaí seirbhíse gair-neoireachta	01.41
Cloch a ghearradh, a dheilbhíú agus a chríochnú	26.7
Struchtúir mhiotail agus codanna díobh a mhonarú	28.11
Foirgníocht, lena n-áirítear brainsí gaolmhara	45.1 go 4; Gníomhaíochtaí atá liostaithe san Iarscríbhinn a ghabhann le Treoir 96/71/CE
Gníomhaíochtaí slándála	74.60
Glantachán tionsclaíoch	74.70
Altranas tí	85.14
Obair shóisialta agus gníomhaíochtaí gan chóiríocht	85.32

A mhéad a mhaolaíonn an Ghearmáin nó an Ostair ar an gcéad mhír d'Airteagal 49 de Chonradh CE i gcomhréir leis na fomhíreanna roimhe seo, féadfaidh an Liotuáin, tar éis fógra a thabhairt don Choimisiún, bearta coibhíseacha a ghlacadh.

### 3. SAOIRSE SEIRBHÍSFÍ A SHOLÁTHAR

1. 31994 L 0019: Treoir 94/19/CE ó Pharlaimint na hEorpa agus ón gComhairle an 30 Bealtaine 1994 maidir le scéimeanna ráthaithe éarlaisí (IO L 135, 31.5.1994, lch. 5).

De mhaolú ar Airteagal 7(1) de Threoir 94/91/CE, ní bheidh feidhm ag an íosleibhéal ráthaithe sa Liotuáin go dtí an 31 Nollaig 2007. Áirítheoidh an Liotuáin go bhforálfaidh a scéim ráthaithe éarlaisí do chumhdach nach lú ná EUR 14 481 go dtí an 31 Nollaig 2006 agus do chumhdach nach lú ná EUR 17 377 ón 1 Eanáir 2007 go dtí an 31 Nollaig 2007.

Le linn na hidirthrímhse, coinneoidh na Ballstáit eile an ceart acu féin cosc a chur le brainse d'institiúid Liotuánach chreidmheasa atá bunaithe ar a gcriciocha oibriú muna bhfuil, agus go dtí go bhfuil, brainse den sórt sin tar éis dul isteach i scéim ráthaithe éarlaisí laistigh de chriciocha an Bhallstáit i dtrácht atá aitheanta go hoifigiúil d'fhonn an difear idir an leibhéal Liotuánach ráthaithe agus an t-íosleibhéal dá dtagraítear in Airteagal 7(1) a chumhdach.

### 4. SAORGLUAISEACHT CHAIPITIL

An Conradh ar an Aontas Eorpach;

An Conradh ag bunú an Chomhphobail Eorpaigh.

Na rialacha atá leagtha síos ina reachtaíocht atá ann tráth sínithe na hionstraime seo maidir le náisiúnaigh de na Ballstáit agus cuideachtaí ama bhfoirmiú i gcomhréir le dlíthe Ballstáit eile nach bhfuil bunaithe

Ní bheidh de thoradh ar éifeacht an mhír seo a chur i bhfeidhm gur sriantaí na coinníollacha do ghluaiseacht shealadach oibríthe idir an Ghearmáin nó an Ostair agus an Liotuáin ná na coinníollacha atá ann ar dháta sínithe an Chonartha Aontachais.

14. Ní bheidh de thoradh ar éifeacht míreanna 2 go 5 agus 7 go 12 a chur i bhfeidhm gur sriantaí na coinníollacha rochtana do náisiúnaigh na Liotuáine ar mhargáí saothair na mBallstát láithreach ná na coinníollacha atá ann ar dháta sínithe an Chonartha Aontachais.

D'ainneoin chur i bhfeidhm na bhforálacha atá leagtha síos i míreanna 1 go 13, i rith aon tréimhse ina gcuirtear i bhfeidhm bearta náisiúnta nó bearta a thig ó chomhaontuithe déthaobhacha, tabharfaidh na Ballstáit láithreacha fabhar d'oibríthe is náisiúnaigh de na Ballstáit seachas oibríthe is náisiúnaigh de thríú tíortha i dtaca le rochtain ar a margadh saothair.

Oibríthe imirceacha Liotuánacha agus a dteaghlaigh a bhfuil cónaí orthu agus atá ag obair go dleathach i mBallstát eile nó oibríthe imirceacha ó Bhallstáit eile agus a dteaghlaigh a bhfuil cónaí orthu agus atá ag obair go dleathach sa Liotuáin, ní chuirfead cóir níos sriantaí orthu ná mar a chuirtear ar oibríthe imirceacha agus a dteaghlaigh ó thríú tíortha a bhfuil cónaí orthu agus atá ag obair sa Bhallstát sin nó sa Liotuáin faoi seach. Ina theannta sin, agus prionsabal an fhabhair Chomhphobail á chur i bhfeidhm, ní chuirfead cóir níos fabhraí ar oibríthe imirceacha ó thríú tíortha a bhfuil cónaí orthu agus atá ag obair sa Liotuáin ná mar a chuirtear ar náisiúnaigh na Liotuáine.

(<sup>1</sup>) NACE: feic 31990 R 3037: Rialachán (CEE) Uimh. 3037/90 ón gComhairle an 9 Deireadh Fómhair 1990 maidir le haicmiú staidrimh gníomhaíochtaí eacnamaíocha sa Chomhphobal Eorpach (IO L 293, 24.10.1990, lch. 1), mar atá arna leasú go deireanach le 32002 R 0029: Rialachán (CE) Uimh. 29/2002 ón gCoimisiún an 19.12.2001 (IO L 6, 10.1.2002, lch. 3).

2. 31997 L 0009: Treoir 97/9/CE ó Pharlaimint na hEorpa agus ón gComhairle an 3 Márta 1997 maidir le scéimeanna cúitimh d'infheisteoirí (IO L 84, 26.3.1997, lch. 22).

De mhaolú ar Airteagal 4(1) de Threoir 97/9/CE, ní bheidh feidhm ag an íosleibhéal cúitimh sa Liotuáin go dtí an 31 Nollaig 2007. Áirítheoidh an Liotuáin go bhforálfaidh a scéim chúitimh d'infheisteoirí do chumhdach nach lú ná EUR 5 792 go dtí an 31 Nollaig 2005 agus do chumhdach nach lú ná EUR 11 585 ón 1 Eanáir 2006 go dtí an 31 Nollaig 2007.

Le linn na hidirthrímhse, coinneoidh na Ballstáit eile an ceart acu féin cosc a chur le brainse de ghnólacht Liotuánach infheistíochta atá bunaithe ar a gcriciocha oibriú muna bhfuil, agus go dtí go bhfuil, brainse den sórt sin tar éis dul isteach i scéim chúitimh d'infheisteoirí laistigh de chriciocha an Bhallstáit i dtrácht atá aitheanta go hoifigiúil d'fhonn an difear idir an leibhéal Liotuánach cúitimh agus an t-íosleibhéal dá dtagraítear in Airteagal 4(1) a chumhdach.

na cláraithe sa Liotuáin agus nach bhfuil brainse ná gníomhaireacht ionadaíochta acu inti talamh talmhaíochta agus foraoiseacha a fháil, féadfaidh an Liotuáin iad a choimeád ar bun, d'ainneoin na n-oibleagáidí faoi na Conarthaí ar a bhfuil an tAontas Eorpach fothaithe, go ceann seacht mbliana ó dháta an aontachais. Ní fhéadfar i gcás ar bith cóir is lú fabhar a chur ar náisiúnach de Bhallstát i leith talamh talmhaíochta agus foraoiseacha a fháil ná cóir níos sriantaí a chur orthu ná ar náisiúnach tríú tír.

Náisiúnaigh de Bhalls:át eile ar mian leo iad féin a bhunú mar fheirmeoirí féinfhostaithe agus cónaí a bheith orthu san Liotuáin agus a raibh cónaí orthu go dleathach sa Liotuáin, agus iad gníomhach san fheirmeoireacht, ar feadh trí bliana leanúnacha ar a laghad, ní bheidh siad faoi réir fhorálacha na míre sin roimhe seo ná aon nósanna imeachta eile seachas nósanna imeachta a bhfuil náisiúnaigh na Liotuáine faoina réir.

Déanfar athbhreithniú ginearálta ar na bearta idirthréimhseacha sin sa tríú bliain tar éis dháta an aontachais. Chuige sin, cuirfidh an

Coimisiún tuarascáil faoi bhráid na Comhairle. Féadfaidh an Chomhairle, ag gníomhú di d'aon toil ar thogra ón gCoimisiún, a chinneadh an idirthréimhse atá sonraithe sa chéad mhír a ghiorrú nó deireadh a chur léi.

Má tá fianaise leordhóthanach ann go mbeidh, tráth na hidirthréimhse a dhul in éag, suaitheadh tromchúiseach nó bagairt dá leithéid ar mhargadh na Liotuáine i dtalamh talmhaíochta, cinnfidh an Coimisiún, arna iarraidh sin don Liotuáin, an idirthréimhse a fhadú ar feadh tréimhse trí bliana ar a mhéid.

## 5. TALMHAÍOCHT

### A. REACHTAÍOCHT TALMHAÍOCHTA

1. 31991 R 2092: Rialachán (CEE) Uimh. 2092/91 ón gComhairle an 24 Meitheamh 1991 maidir le táirgeadh orgánach táirgí talmhaíochta agus sonraí ag tagairt dó ar tháirgí talmhaíochta agus earraí bia ( IO L 198, 22.7.1991, lch. 1), mar atá arna leasú go deireanach le:

— 32002 R 0473: Rialachán (CE) Uimh. 473/2002 ón gCoimisiún an 15.3.2002 (IO L 75, 16.3.2002, lch. 21).

De mhaolú ar Airteagal 6(1), (2) agus (3) de Rialachán (CEE) Uimh. 2092/91, ceadófar síolta agus ábhar iomadaithe fásruil nach dtáirgtear tríd an modh orgánach táirgthe a úsáid san fheirmeoireacht orgánach san Liotuáin go dtí an 1 Eanáir 2006.

De mhaolú ar Airteagal 6(1) de Rialachán (CEE) Uimh. 2092/91, ceadófar siúcra neamhorgánach a úsáid d'ullmhóidí mar ábhar beatha do bheacha i mbeachlanna orgánacha deimhnithe sa Liotuáin go dtí an 1 Eanáir 2006.

2. 31997 R 2597: Rialachán (CEE) Uimh. 2597/97 ón gComhairle 18 Nollaig 1997 ag leagan síos rialacha breise maidir le comheagraíocht an mhargaidh i mbainne agus táirgí bainne lena n-ól (IO L 351, 23.12.1997, lch. 13), mar atá arna leasú go deireanach le:

— 31999 R 1602: Rialachán (CE) Uimh. 1602/1999 ón gComhairle an 19.7.1999 (IO L 189, 22.7.1999, lch. 43).

De mhaolú ar Airteagal 3(1)(b) agus (c) de Rialachán (CEE) Uimh. 2597/97, ní bheidh feidhm go dtí an 1 Eanáir 2009 ag na ceanglais a bhaineann le cion saille maidir le bainne le hól arna tháirgeadh sa Liotuáin sa mhéid go bhféadfaidh an Liotuáin bainne a bhfuil cion saille 3,2% (m/m) aige a chur i leith aicme an bhainne agus bainne a bhfuil cion saille 1,0% (m/m) ar a laghad agus 2,5% ar a mhéid aige a chur i leith aicme an bhainne leathbhearrtha. Ní fhéadfar bainne le hól nach gcomhlíonann na ceanglais a bhaineann le cion saille a mhargú ach amháin sa Liotuáin nó i dtríú tíortha.

3. 31999 R 1254: Rialachán (CE) Uimh. 1254/1999 ón gComhairle an 17 Bealtaine 1999 maidir le comheagraíocht an mhargaidh i mairteoil agus laofheoil (IO L 160, 26.6.1999, lch. 21), mar atá arna leasú go deireanach le:

— 32001 R 2345: Rialachán (CE) Uimh. 2345/2001 ón gCoimisiún an 30.11.2001 (IO L 315, 1.12.2001, lch. 29).

De mhaolú ar Airteagal 3(f) de Rialachán (CE) Uimh. 1254/1999, féadfaidh an Liotuáin go dtí deireadh na bliana 2006 a mheas go bhfuil ba diúil de na póirthe atá liostaithe in Iarscríbhinn I a ghabhann le Rialachán (CE) Uimh. 2342/1999 ón gCoimisiún ag leagan síos rialacha mionsonraithe chur i bhfeidhm Rialachán (CE) Uimh. 1254/1999 ón gComhairle maidir le comheagraíocht an mhargaidh i mairteoil agus laofheoil cáilithe don phrémh do bha diúil faoi Fhoroinn 3 de Rialachán (CE) Uimh. 1254/1999 (1), ar chuntar go bhfuil siad dortha nó inseamhnaithe ag tairbh de phór feola.

### B. REACHTAÍOCHT TRÉIDLIACHTA AGUS FÍTEASLÁINTÍOCHTA

#### I. REACHTAÍOCHT TRÉIDLIACHTA

31964 L 0433: Treoir 64/433/CEE ón gComhairle an 26 Meitheamh 1964 maidir le coinníollacha sláinte chun feoil úr a tháirgeadh agus a mhargú (IO L 121, 29.7.1964, lch. 2012, agus arna leasú agus arna comhdhlúthú iardain in IO L 268, 24.9.1991, lch. 69), mar atá arna leasú go deireanach le:

— 31995 L 0023: Treoir 95/23/CE ón gComhairle an 22.6.1995 (IO L 243, 11.10.1995, lch. 7);

31971 L 0118: Treoir 71/118/CEE ón gComhairle an 15 Feabhra 1971 maidir le fadhbanna sláinte a dhéanann difear do fheoil úr éanlaith chlóis a tháirgeadh agus a chur ar an margadh (IO L 55, 8.3.1971, lch. 23, agus arna leasú agus arna tabhairt suas chun dáta iardain in IO L 62, 15.3.1993, lch. 6), mar atá arna leasú go deireanach le:

— 31997 L 0079: Treoir 97/79/CE ón gComhairle an 18.12.1997 (IO L 24, 30.1.1998, lch. 31);

31977 L 0099: Treoir 77/99/CEE ón gComhairle an 21 Nollaig 1976 maidir le fadhbanna sláinte a dhéanann difear do tháirgeadh agus margú táirgí feola agus táirgí áirithe eile de thionscnamh ainmhióch (IO L 26, 31.1.1977, lch. 85, agus arna leasú agus arna tabhairt suas chun dáta iardain in IO L 57, 2.3.1992, lch. 4), mar atá arna leasú go deireanach le:

— 31997 L 0076: Treoir 97/76/CE ón gComhairle an 16.12.1997 (IO L 10, 16.1.1998, lch. 25);

31991 L 0493: Treoir 91/493/CE ón gComhairle an 22 Iúil 1991 ag leagan síos na gcoinníollacha sláinte chun táirgí iascaigh a tháirgeadh agus a chur ar an margadh (IO L 268, 24.9.1991, lch. 15), mar atá arna leasú go deireanach le:

— 31997 L 0079: Treoir 97/79/CEE ón gComhairle an 18.12.1997 (IO L 24, 30.1.1998, lch. 31);

31992 L 0046: Treoir 92/46/CEE ón gComhairle an 16 Meitheamh 1992, ag leagan síos na rialacha sláinte chun bainne amh, bainne teaschóireáilte agus táirgí bunaithe ar bhainne a tháirgeadh agus a chur ar an margadh (IO L 268, 14.9.1992, lch. 1), mar atá arna leasú go deireanach le:

— 31996 L 0023: Treoir 96/23/CE ón gComhairle an 29.4.1996 (IO L 125, 23.5.1996, lch. 10);

31994 L 0065: Treoir 94/65/CE ón gComhairle an 14 Nollaig 1994 ag leagan síos na gceanglas chun feoil mhionaithe agus ullmhóidí feola a tháirgeadh agus a chur ar an margadh (IO L 368, 31.12.1994, lch. 10).

(a) Ní bheidh feidhm go dtí an 31 Nollaig 2006 maidir le bunaíochtaí sa Liotuáin atá liostaithe i bhFoscscríbhinn B a ghabhann leis an larscríbhinn seo ag na ceanglais struchtúracha atá leagtha síos in larscríbhinn I a ghabhann le Treoir 64/433/CEE, in larscríbhinn I a ghabhann le Treoir 71/118/CEE, in larscríbhinn A agus B a ghabhann le Treoir 77/99/CEE, san larscríbhinn a ghabhann le Treoir 91/439/CEE, in larscríbhinn B a ghabhann le Treoir 92/46/CEE agus in larscríbhinn I a ghabhann le Treoir 94/65/CE, faoi réir na gcoinníollacha atá leagtha síos thíos.

(b) Fad a thairbhíonn na bunaíochtaí dá dtagraítear i mír (a) thuas d'fhorálacha na míre sin, ní chuirfeadh táirgí de thionscnamh na mbunaíochtaí sin ach ar an margadh náisiúnta amháin nó ní úsáidfeadh iad ach do phróiseáil bhreise i mbunaíochtaí náisiúnta atá folaithe freisin ag forálacha mhír (a), gan spleáchas don dáta margáiochta. Ní foláir marc speisialta sláinte a bheith ar na táirgí sin.

I gcás táirgí iascaigh úra, ullmhaithe nó próiseáilte, ní chuirfeadh ach ar an margadh náisiúnta amháin iad nó ní dhéanfar iad a láimhsíú nó ní dhéanfar phróiseáil bhreise orthu ach sa bhunaíocht chéanna, gan spleáchas don dáta margáiochta. Ní foláir táirgí iascaigh úra, ullmhaithe nó próiseáilte a fhilleadh agus/nó a phacáil in aonaid tráchtála agus ní foláir marc speisialta sainathinte a bheith orthu.

Tá feidhm ag an gcéad fhomhír maidir leis na táirgí go léir de thionscnamh bunaíochtaí iomlánaithe feola nuair atá cuid den bhunaíocht faoi réir fhorálacha mhír (a).

Féadfaidh bunaíochtaí próiseáilte bainne nach bhfuil liostaithe i bhFoscscríbhinn B a ghabhann leis an larscríbhinn seo seachadtaí bainne amh a fháil ó fheirmeacha nach gcomhlíonann larscríbhinn A, Caibidil IV, A (1) de Threoir 92/46/CEE, ar chuntar go bhfuil na feirmeacha sin luaite ar liosta arna choimeád ar bun ag na húdaráis Liotuánacha chun na críche sin.

Féadfaidh bunaíochtaí próiseáilte bainne nach bhfuil folaithe ag an gcóras idirthrímhseach seachadtaí bainne amh a fháil ó fheirmeacha déiríochta nach gcomhlíonann larscríbhinn A, Caibidil IV, A (1) de Threoir 92/46/CEE, ar chuntar go bhfuil na feirmeacha sin luaite ar an liosta dá dtagraítear san fhomhír sin roimh seo agus go n-úsáidtear an bainne amh arna sheachadadh go heisiach chun cáis ar mó a tréimhse aibithe ná 60 lá a mhonarú.

(c) Áiritheoidh an Liotuáin go gcomhlíonfar de réir a chéile na ceanglais struchtúracha dá dtagraítear i mír (a) i gcomhréir leis na teorainneacha ama atá leagtha amach i bhFoscscríbhinn B a ghabhann leis an larscríbhinn seo chun na heasnamh atá ann a cheartú. Áiritheoidh an Liotuáin gurb iad na bunaíochtaí a chomhlíonann na ceanglais sin go hiomlán faoi cheann an 31 Nollaig 2006, agus iad sin amháin, a leanfaidh de bheith ag oibriú. Déanfaidh an Liotuáin tuarascálacha bliantúla a thíolacadh

don Choimisiún maidir leis an dul chun cinn i ngach ceann de na bunaíochtaí atá liostaithe i bhFoscscríbhinn B, lena n-áirítear liosta de na bunaíochtaí atá tar éis na forbairtí a chríochnú le linn na bliana i dtrácht.

(d) Féadfaidh an Coimisiún Foscscríbhinn B a ghabhann leis an larscríbhinn seo dá dtagraítear i mír (a) a thabhairt suas chun dáta roimh an aontachas agus go dtí an 31 Nollaig 2006, agus sa chomhthéacs sin féadfaidh sé bunaíochtaí leithleacha a chur léi nó a scriosadh, i bhfianaise an dul chun cinn arna dhéanamh maidir le heasnamh atá ann a cheartú agus i bhfianaise thoradh an phróisis faireacháin.

Glacfar rialacha mionsonraithe cur chun feidhme chun oibriú rianúil an chórais idirthrímhseach thuas a áirithiú i gcomhréir le hAirteagal 16 de Threoir 64/493/CEE, Airteagal 21 de Threoir 71/118/CEE, Airteagal 20 de Threoir 77/99/CEE, Airteagal 15 de Threoir 91/493/CEE, Airteagal 31 de Threoir 92/46/CEE agus Airteagal 20 de Threoir 94/65/CE.

## II. REACHTAÍOCHT FITEASLÁINTÍOCHTA

1. 31993 L 0085: Treoir 93/85/CEE ón gComhairle an 4 Deireadh Fómhair 1993 maidir le lobhadh fáinneach prátaí a rialú (IO L 259, 18.10.1993, lch. 1).

Féadfaidh an Liotuáin cur i bhfeidhm Airteagal 7(2) agus 7(4) de Threoir 93/85/CEE a chur ar athló go dtí an 1 Eanáir 2006. Le linn na tréimhse sin ní dhéanfar prátaí arna dtáirgeadh sa Liotuáin a thabhairt isteach ar chríoch Bhallstát eile.

2. 31994 R 2100: Rialachán (CE) Uimh. 2100/94 ón gComhairle an 27 Iúil 1994 maidir le cearta Comhphobail i ndáil le cineálacha plandaí (IO L 227, 1.9.1994, lch. 1), mar atá arna leasú go deireanach le:

— 31995 R 2506: Rialachán (CE) Uimh. 2506/95 ón gComhairle an 25.10.1995 (IO L 258, 28.10.1995, lch. 3).

De mhaolú ar an gceathrú fleasc d'Airteagal 14(3) de Rialachán (CE) Uimh. 2100/94, ní bheidh feidhm go dtí an 31 Nollaig 2010 ag an gceanglas slánaíocht chothromasach a íoc le sealbhóir de cheart i ndáil le cineál planda maidir le feirmeoirí Liotuánacha a leanann de chineál bunaithe a úsáid i gcomhréir leis an údarú dá bhforáiltear in Airteagal 14(1) más amhlaidh, roimh an aontachas, go bhfuil siad tar éis an cineál sin a úsáid cheana chun na gcríoch atá tuairiscithe in Airteagal 14(1) gan slánaíocht a íoc.

(<sup>1</sup>) IO L 281, 4.11.1999, lch. 30.

## 6. IASCACH

31992 R 3760: Rialachán (CEE) Uimh. 3760/92 ón gComhairle an 20 Nollaig 1992 ag bunú córas Comhphobail le haghaidh iascaigh agus dobharshaothraithe (IO L 389, 31.12.1992, lch. 1), mar atá arna leasú go deireanach le:

— 31998 R 1181: Rialachán (CE) Uimh. 1181/98 ón gComhairle an 4.6.1998 (IO L 164, 9.6.1998, lch. 1).

Beidh feidhm ag Rialachán Uimh. 3760/92 maidir leis an Liotuáin faoi réir na bhforálacha sonracha seo a leanas:

Déanfar an scair d'áraig iascaireachta an Chomhphobail atá le cionroinnt ar an Liotuáin, i gcás stoc atá faoi rialú ag teorainn ghabhála, a bhunú de réir speicis agus creasa mar a leanas:

Speiceas	Limistéar CTTM nó CIIMB	Scaireanna na Liotuáine (%)
Scadán	III b, c, d ( <sup>1</sup> ), amach ó Aonad Bainistíochta 3 de CIIMB	2,271
Sprot	III b, c, d ( <sup>1</sup> )	5,004
Bradán	III b, c, d ( <sup>1</sup> ), amach ó Fhoroinn 32 de CIIMB	1,549
Trosc	III b, c, d ( <sup>1</sup> )	4,684

(<sup>1</sup>) Uiscí an Chomhphobail.

Bainfead leas as na scaireanna sin don chéad chionroinnt árach iascaireachta an Liotuáin i gcomhréir leis an nós imeachta dá bhforáiltear in Airteagal 8(4) de Rialachán (CEE) Uimh. 3760/92.

Ina theannta sin, déanfar scair na Liotuáine d'áraig iascaireachta an Chomhphobail i Limistéar Rialúcháin NAFO a chinneadh tríd an gComhairle ag gníomhú di trí throllach cáilithe ar thogra ón gCoimisiún, ar bhonn na cothromaíochta i bhfeidhm i NAFO le linn na tréimhse díreach roimh dháta an aontachais.

## 7. BEARTAS IOMPAIR

1. 31985 R 3821: Rialachán (CEE) Uimh. 3821/85 ón gComhairle an 20 Nollaig 1985 maidir le trealamh taifeadta in iompar de bhóthar, mar atá arna leasú go deireanach le:

— 32002 R 1360: Rialachán (CE) 1360/2002 ón gCoimisiún an 13.6.2002 (IO L 207, 5.8.2002, lch. 1).

De mhaolú ar Airteagal 3(1) de Rialachán (CEE) Uimh. 3821/85, ní bheidh feidhm sa Liotuáin go dtí an 31 Nollaig 2005 ag an gceanglas trealamh taifeadta a shuiteáil agus a úsáid i bhfeithiclí arna gclárú d'iompar paisinéirí nó earraí de bhóthar maidir le feithiclí arna dtáirgeadh roimh 1987 a ghabhann go heisiach d'oibriochtaí iompair intíre. Déanfaidh tiománaithe d'fheithiclí den sórt sin a n-uaireanta tiomána agus a dtreimhsí sosa a thairgeadh trí leas a bhaint as logleabhar pearsanta.

2. 31992 L 0014: Treoir 92/14/CEE ón gComhairle an 2 Márta 1992 maidir le teorannú oibriochtaí de chuid eitleán arna bhfolú ag Cuid II, Caibidil 2, Imleabhar 1 d'Iarscríbhinn 16 a ghabhann leis an gCoimisiún ar Eitliceacht Shibhialta Idirnáisiúnta, an dara heagrán (1988) (IO L 76, 23.3.1992, lch. 21), mar atá arna leasú go deireanach le:

— 32001 R 0991: Rialachán (CE) Uimh. 991/2001 ón gCoimisiún an 21.5.2001 (IO L 138, 22.5.2001, lch. 12).

De mhaolú ar Airteagal 2(2) de Threoir 92/14/CEE, ní bheidh feidhm sa Liotuáin ag Aerfort Idirnáisiúnta Kaunas go dtí an 31 Nollaig 2004 ag na coinníollacha atá leagtha síos sa Treoir sin i leith eitleáin atá ar chlár tríú tíortha nach baill den Aontas Eorpach agus atá á n-oibriú ag daoine nádúrtha nó d'itheanacha arna mbunú sna tíortha sin. Cloifidh an Liotuáin leis an archlár seo a leanas chun cóimheas gluaiseachtaí de chuid eitleáin a t'éann thar na teorainneacha bunaithe torainn a laghdú: ó 80% d'iomlán na dtuirlingí arna ndéanamh i 2001 go 70% faoi dheireadh 2002, 45% faoi dheireadh 2003 agus 25% faoi dheireadh 2004.

3. 31993 R 3118: Rialachán (CEE) Uimh. 3118/93 ón gComhairle an 25 Deireadh Fómhair 1993 ag leagan síos na gcoinníollacha faoina bhféadfaidh carraeirí reamhchónaitheacha seirbhísí náisiúnta iompair tharlaithe de bhóthar a oibriú laistigh de Bhallstát (IO L 279, 12.11.1993, lch. 1), mar atá arna leasú go deireanach le:

— 32002 R 0484: Rialachán (CE) Uimh. 484/2002 ó Pharlaimint na hEorpa agus ón gComhairle an 1.3.2002 (IO L 76, 19.3.2002, lch. 1).

(a) De mhaolú ar Airteagal 1 de Rialachán (CEE) Uimh. 3118/93 agus go dtí deireadh an dara bliain tar éis dháta an aontachais, eisiafar carraeirí arna mbunú sa Liotuáin ó sheirbhísí náisiúnta tarlaithe de bhóthar a oibriú sna Ballstáit eile agus eisiafar carraeirí arna mbunú sna Ballstáit eile ó sheirbhísí náisiúnta tarlaithe de bhóthar a oibriú sa Liotuáin.

(b) Roimh dheireadh an dara bliain tar éis dháta an aontachais, tabharfaidh Ballstáit fógra don Choimisiún á rá an bhfadóidh siad an tréimhse seo ar feadh dhá bhliain ar a mhéid nó an gcuirfidh siad

Airteagal 1 den Rialachán i bhfeidhm go hiomlán feasta. Cheal fógra den sórt sin, beidh feidhm ag Airteagal 1 den Rialachán. Carraeirí arna mbunú sna Ballstáit sin ina bhfuil feidhm ag Airteagal 1 den Rialachán, is iad amháin a fhéadfaidh seirbhísí tarlaithe náisiúnta de bhóthar a oibriú sna Ballstáit eile sin ina bhfuil feidhm freisin ag Airteagal 1 den Rialachán.

(c) Roimh dheireadh an ceathrú bliain tar éis dháta an aontachais, i gcás suaitheadh tromchúiseach ar an margadh náisiúnta tarlaithe de bhóthar, nó bagairt dá leithéid, tabharfaidh Ballstáit nach bhfuil feidhm ag Airteagal 1 den Rialachán iontu de bhua mhír (b) thuas fógra don Choimisiún á rá an bhfadóidh siad an tréimhse seo ar feadh bliana ar a mhéid nó an gcuirfidh siad Airteagal 1 den Rialachán i bhfeidhm go hiomlán feasta. Cheal fógra den sórt sin, beidh feidhm ag Airteagal 1 den Rialachán. Carraeirí arna mbunú sna Ballstáit sin ina bhfuil feidhm ag Airteagal 1 den Rialachán, is iad amháin a fhéadfaidh seirbhísí tarlaithe náisiúnta de bhóthar a oibriú sna Ballstáit eile sin ina bhfuil feidhm freisin ag Airteagal 1 den Rialachán.

(d) Fad nach bhfuil feidhm ag Airteagal 1 den Rialachán go hiomlán sna Ballstáit go léir, féadfaidh na Ballstáit ina bhfuil feidhm ag Airteagal 1 den Rialachán de bhua mhír (b) nó (c) thuas dul ar iontaoibh an nós imeachta atá leagtha amach thíos.

Nuair atá suaitheadh ar mhargadh náisiúnta de chuid Ballstát dá dtagraítear san fhómhír sin roimhe seo nó ar chodanna de de bharr cabatáiste nó arna ghéarú aige, ar nós farasbarr soláthair thar éileamh nó baol do chobhsaíocht airgeadais nó marthanas líon suntasach gnóthas tarlaithe de bhóthar, cuirfidh an Ballstát sin an Coimisiún agus na Ballstáit eile ar an eolas faoi agus déanfaidh sé na sonraí uile ábhartha a sholáthar dóibh. Ar bhonn na faisnéise sin, féadfaidh an Ballstát sin a iarraidh ar an gCoimisiún cur i bhfeidhm Airteagal 1 den Rialachán a fhionraí go hiomlán nó go páirteach, d'fhonn an staid a athbhunú ina gnáthriocht.

Scrúdóidh an Coimisiún an staid ar bhonn na sonraí arna soláthar ag an mBallstát i dtrácht agus cinnífidh sé laistigh de mhí ón iarraidh a fháil an gá bearta coimirce a ghlacadh. Beidh feidhm ag an nós imeachta atá leagtha síos sa dara fómhír, sa tríú fómhír agus sa cheathrú fómhír de mhír 3 agus i míreanna 4, 5 agus 6 d'Airteagal 7 den Rialachán.

I gcásanna práinneacha agus eisceachtúla, féadfaidh Ballstát dá dtagraítear sa chéad fómhír thuas cur i bhfeidhm Airteagal 1 den Rialachán a fhionraí, agus fógra réasúnaithe ex-post a thabhairt don Choimisiún ina dhiaidh sin.

(e) Fad nach gcuirtear Airteagal 1 den Rialachán i bhfeidhm de bhua mhíreanna (a) go (b) thuas, féadfaidh Ballstáit rochtain ar a seirbhísí náisiúnta tarlaithe de bhóthar a rialú trí údaruithe cabatáiste a mhalartú go comhleánúnach ar bhonn comhaontuithe déthaobhacha. Féadfaidh caoi an léirscaoilte iomláin a bheith san áireamh.

(f) Ní fhéadfaidh rochtain níos sriantaí ar sheirbhísí náisiúnta tarlaithe de bhóthar ná mar atá ann ar dháta sinithe an Chonartha Aontachais leanúint ó éifeacht mhíreanna (a) go (d) a chur i bhfeidhm.

4. 31996 L 0026: Treoir 96/26/CE ón gComhairle an 29 Aibreán 1996 maidir le ligean isteach do ghairm an oibreora tharlaithe de bhóthar agus an oibreora iompair phaisinéirí de bhóthar agus le dioplómaí, teastais agus cruthúnais eile ar cháilíochtaí foirmiúla a aithint go frithpháirteach chun feidhmiú na saoirse bunaíochta in oibríochtaí iompair náisiúnta agus idirnáisiúnta a éascú do na hoibreoírí sin (IO L 124, 23.5.1996, lch. 1), mar atá arna leasú go deireanach le:

— 31998 L 0076: Treoir 98/76/CEE ón gComhairle an 1.10.1998 (IO L 277, 14.10.1998, lch. 17),

Ní bheidh feidhm sa Liotuáin go dtí an 31 Nollaig 2006 ag Airteagal 3(3)(c) de Threoir 92/26/CEE maidir le gnóthais iompair a ghabhann go heisiach d'oibríochtaí iompair intíre tarlaithe agus paisinéirí de bhóthar.

Sroichfidh an caipiteal atá ar fáil agus na cúlchistí de chuid na ngnóthas sin de réir a chéile na rátaí íosta atá leagtha síos san Airteagal sin i gcomhréir leis an amchlár seo a leanas:

— faoi cheann an 1 Eanáir 2004, ní foláir don ghnóthas caipiteal atá ar fáil agus cúlchistí EUR 3 000 a bheith aige ar a laghad in aghaidh na feithicle arna húsáid nó EUR 150 in aghaidh an tona d'uasmheáchan údaraithe na bhfeithiclí arna n-úsáid ag an ngnóthas, nó EUR 150 in aghaidh an tsuíocháin de na feithiclí iompair phaisinéirí arna n-úsáid ag an ngnóthas, cibé acu is ísle,

— faoi cheann an 1 Eanáir 2005, ní foláir don ghnóthas caipiteal atá ar fáil agus cúlchistí EUR 5 000 a bheith aige ar a laghad le haghaidh gach feithicle.

## 8. CÁNACHAS

1. 31977 L 0388: Séú Treoir 77/388/CEE ón gComhairle an 17 Bealtaine 1977 maidir le comhchuibhiú dhlíthe na mBallstát a bhaineann le cánacha láimhdeachais — Comhchóras cánach breisluacha: aonbhonn measúnachta (IO L 145, 13.6.1977, lch. 1), mar atá arna leasú go deireanach le:

— 32002 L 0038: Treoir 2002/38/CE ón gComhairle an 7.5.2002 (IO L 128, 15.5.2002, lch. 41).

D'fhonn Airteagal 28(3)(b) de Threoir 77/388/CEE a chur i bhfeidhm, féadfaidh an Liotuáin díolúine ó cháin bhreisluacha a choimeád ar bun freisin maidir le hiompar idirnáisiúnta paisinéirí dá dtagraítear i bpointe 17 d'Iarscríbhinn F a ghabhann leis Treoir go dtí go gcomhalltar an coinníoll atá leagtha amach in Airteagal 28(4) den Treoir nó fad a chuireann aon cheann de na Ballstáit láithreacha an díolúine céanna i bhfeidhm, cibé acu is tuisce.

2. 31992 L 0079: Treoir 92/79/CEE ón gComhairle an 19 Deireadh Fómhair 1992 maidir le cánacha ar thoitíní a chomhfhogasú (IO L 316, 31.10.1992, lch. 8), mar atá arna leasú go deireanach le:

— 32002 L 0010: Treoir 2002/10/CE ón gComhairle an 12.2.2002 (IO L 46, 16.2.2002, lch. 26).

De mhaolú ar Airteagal 2(1) de Threoir 92/79/CEE, féadfaidh an Liotuáin cur i bhfeidhm na dleachta máil foriomláine íosta ar an bpraghas miondíola (lena n-áirítear gach cáin) do thoitíní san aicme phraghais is mó éileamh a chur siar go dtí an 31 Nollaig 2009, ar chuntar go ndéanann an Liotuáin a rátaí dleachta máil a choigeartú de réir a chéile i rith na tréimhse sin ionsar an dleacht mháil fhoriomlán íosta dá bhforáiltear sa Treoir.

Gan dochar d'Airteagal 8 de Threoir 92/12/CEE ón gComhairle maidir leis na socrúithe ginearálta do tháirgí atá faoi réir dleachta máil agus ar tháirgí den sórt sin a shealbhú agus a bhogadh agus faireachán a dhéanamh orthu (<sup>(1)</sup>), agus tar éis an Coimisiún a chur ar an eolas, féadfaidh Ballstáit, fad atá feidhm ag an maolú thuas, na teorainneacha cainníochtúla céanna a choimeád ar bun do thoitíní a fhéadtar a bhreith isteach ina gcíocha ón Liotuáin gan breis dleachta máil a íoc is a chuirtear i bhfeidhm ar allmhairí ó thríú tíortha. Féadfaidh Ballstáit a bhaineann leas as an gcaoi seo na seiceálacha is gá a dhéanamh ar chuntar nach ndéanann na seiceálacha sin difear d'oibriú cuí an mhargaidh inmheánaigh.

(<sup>1</sup>) IO L 76, 23.3.1992, lch. 1. Treoir mar atá arna leasú go deireanach le Treoir 2000/47/CE (IO L 193, 29.7.2000, lch. 73).

## 9. FUINNEAMH

31968 L 0414: Treoir 68/414/CEE ón gComhairle an 20 Nollaig 1968 ag forchur oibleagáid ar Bhallstáit CEE stoic íosta amhola agus/nó táirgí peitriiliam a choinneáil (IO L 308, 23.12.1968, lch. 14), mar atá arna leasú go deireanach le:

— 31998 L 0093: Treoir 98/93/CE ón gComhairle an 14.12.1998 (IO L 358, 31.12.1998, lch. 100).

De mhaolú ar Airteagal 1(1) de Threoir 68/414/CE, ní bheidh feidhm sa Liotuáin ag an íosléibhéal stoc de tháirgí peitriiliam go dtí an 31 Nollaig 2009. Áiríteoidh an Liotuáin go gcomhfhreagraíonn a híosleibhéal stoc de tháirgí peitriiliam, i gcás gach ceann de na haicmí táirgí peitriiliam atá liostaithe in Airteagal 2, ar a laghad do mheántomhailt inmheánach laethúil an mhéid laethanta seo a leanas, mar atá sainithe in Airteagal 1(1)

— 49 lá faoi cheann dháta an aontachais;

— 56 lá faoi cheann an 31 Nollaig 2004;

— 63 lá faoi cheann an 31 Nollaig 2005;

— 69 lá faoi cheann an 31 Nollaig 2006;

— 76 lá faoi cheann an 31 Nollaig 2007;

— 83 lá faoi cheann an 31 Nollaig 2008;

— 90 lá faoi cheann an 31 Nollaig 2009.

## 10. COMHSHAOL

## A. CÁILÍOCHT AN AEIR

31994 L 0063: Treoir 94/63/CE ó Pharlaimint na hEorpa agus ón gComhairle an 20 Nollaig 1994 maidir le rialú astaíochtaí de chomhdhúile soghalaithe orgánacha (CSO) a thig ó stóráil peitрил agus óna dáileadh ó theirminéil go stáisiúin seirbhíse (IO L 365, 31.12.1994, lch. 24).

1. De mhaolú ar Airteagal 3 agus larscríbhinn I de Threoir 94/63/CE, ní bheidh feidhm go dtí an 31 Nollaig 2007 sa Liotuáin ag na ceanglais do luchtú agus dluchtú coimeádán soghluaiste atá ann ag teirminéil maidir le fearais stórála a bhfuil acu trichur arna luchtú is lú ná nó is ionann le 50 000 tonna in aghaidh na bliana.

2. De mhaolú ar Airteagal 4 agus larscríbhinn II de Threoir 94/63/CE, ní bheidh feidhm go dtí an 31 Nollaig 2007 sa Liotuáin ag na ceanglais do luchtú agus dluchtú coimeádán soghluaiste atá ann ag teirminéil maidir le 12 ceann aistir a bhfuil acu trichur is lú ná nó is ionann le 150 000 tonna in aghaidh na bliana.

3. De mhaolú ar Airteagal 5 de Threoir 94/63/CE, ní bheidh feidhm go dtí an 31 Nollaig 2005 sa Liotuáin ag na ceanglais do choimeádáin shoghluasta atá ann ag teirminéil maidir le 140 tancaer bóthair agus 1 900 tancaer iarróic.

4. De mhaolú ar Airteagal 6 agus larscríbhinn III de Threoir 94/63/CE, ní bheidh feidhm go dtí an 31 Nollaig 2007 sa Liotuáin ag na ceanglais do fhearais stórála atá ann ag stáisiúin seirbhíse maidir le stáisiúin seirbhíse a bhfuil acu trichur 1 000 m<sup>3</sup> in aghaidh na bliana nó níos lú.

## B. BAINISTIOCHT DEAMHAÍOLA

31994 L 0062: Treoir 94/62/CE ó Pharlaimint na hEorpa agus ón gComhairle an 20 Nollaig 1994 maidir le pacáistiú agus dramhaíl pacáistithe (IO L 365, 31.12.1994, lch. 10).

De mhaolú ar Airteagal 6 (1) (a) agus (b) de Threoir 94/62/CE, bainfidh an Liotuáin amach na spriocanna athghabhála agus athchúrsála do na hábhair phacáistithe seo a leanas faoi cheann an 31 Nollaig 2006 i gcomhréir leis na spriocanna idirmheánacha seo a leanas:

- plaitigh a athchúrsáil: 10 % de réir meáchain faoi cheann dháta an aontachais agus 15 % faoi cheann 2004;
- miotail a athchúrsáil: 10 % de réir meáchain faoi cheann dháta an aontachais agus 15 % faoi cheann 2004;
- ráta foriomlán athchúrsála: íosmhéid 25 % de réir meáchain faoi cheann 2004;
- ráta foriomlán athghabhála: 21 % de réir meáchain faoi cheann dháta an aontachais, 32 % faoi cheann 2004 agus 37 % faoi cheann 2005.

## C. CÁILÍOCHT AN UISCE

31991 L 0271: Treoir 91/271/CEE ón gComhairle an 21 Bealtaine 1991 maidir le cóireáil fuíolluisce uirbigh (IO L 135, 30.5.1991, lch. 40), mar atá arna leasú le:

- 31998 L 0015: Treoir 98/15/CE ón gCoimisiún an 27.2.1998 (IO L 67, 7.3.1998, lch. 29).

De mhaolú ar Airteagal 3, 4 agus 5(2) de Threoir 91/271/CE, ní bheidh feidhm iomlán go dtí an 31 Nollaig 2015 sa Liotuáin ag na

ceanglais do chórais bhailithe agus cóireáil fuíolluisce uirbigh i gcomhréir leis an sprioc idirmheánach seo a leanas:

- faoi cheann an 31 Nollaig 2007, beidh Airteagal 4 agus 5(2) den Treoir comhlíonta do cheirtleáin ar mó coibhéis a ndaonra ná 10 000.

## D. AN TRUAILLIÚ TIONSCLAÍOCH A RIALÚ AGUS BAINISTIOCHT BHAOIL

32001 L 0080: Treoir 2001/80/CE ó Pharlaimint na hEorpa agus ón gComhairle an 23 Deireadh Fómhair 2001 maidir le hastaíochtaí truaileán áirithe san aer ó ollghléasraí dócháin a theorannú (IO L 309, 27.11.2001, lch. 1).

De mhaolú ar Airteagal 4(3) agus cuid A d'larscríbhinní IV agus VI de Threoir 2001/80/CE, ní bheidh feidhm sa Liotuáin ag na luachanna teorantacha astaíochta do dhé-ocsaíd sulfair agus ocsaíd nítrigine go dtí an 31 Nollaig 2015 i gcás na ngléasraí dócháin Gléasra Cumaisc Teasa agus Cumhachta CHP-3 Vilnias, Gléasra Cumaisc Teasa agus Cumhachta Kaunas agus Gléasra Cumaisc Teasa agus Cumhachta Mžeikiai.

Le linn na hidirthréimhse sin, ní rachaidh astaíochtaí iomlána dé-ocsaíde sulfair agus ocsaíd nítrigine a bhaineann le giniúint leictreachais ó Ghléasra Cumaisc Teasa agus Cumhachta CHP-3 Vilnias, Gléasra Cumaisc Teasa agus Cumhachta Kaunas agus Gléasra Cumaisc Teasa agus Cumhachta Mžeikiai (amach ó ghiniúint teasa agus foinsí eile) thar na huasteorainneacha seo a leanas:

- 2005: 28 300 tona SO<sub>2</sub> in aghaidh na bliana; 4 600: tona NO<sub>x</sub> in aghaidh na bliana
- 2008: 21 500 tona SO<sub>2</sub> in aghaidh na bliana; 5 000: tona NO<sub>x</sub> in aghaidh na bliana
- 2010: 30 500 tona SO<sub>2</sub> in aghaidh na bliana; 10 500: tona NO<sub>x</sub> in aghaidh na bliana
- 2012: 29 000 tona SO<sub>2</sub> in aghaidh na bliana; 10 800: tona NO<sub>x</sub> in aghaidh na bliana.

Faoi cheann an 1 Eanáir 2007, agus arís faoi cheann an 1 Eanáir 2012, tiolacfaidh an Liotuáin don Choimisiún plean arna thabhairt suas chun dáta, lena n-áirítear plean infheistíochta, chun gléasraí neamh-chomhlíontacha atá fágtha a ailíniú de réir a chéile agus céimeanna á sainiú go soiléir chun an acquis a chur i bhfeidhm. Measann AE gur cóir go gceadóidh an fhorbairt fhoriomlán eacnamaíoch a bhfuil coinne leis sa Liotuáin, na féidearthachtaí a thig uaithe sin chun infheistíochtaí a mhaoiniú níos túisce ná mar a sceidealтар faoi láthair agus na hathruithe tuartha in earnáil an fhuinnimh laghduithe breise ar astaíochtaí in aghaidh an aonaid leictreachais arna tháirgeadh. Tá AE ag súil dá bhrí sin go laghdóidh na pleananna sin tuilleadh ar na hastaíochtaí go dtí leibhéal atá go suntasach faoi bhun na spriocanna idirmheánacha, go háirithe i gcás astaíochtaí sa tréimhse 2012 go 2015.

Má mheasann an Coimisiún, ag féachaint dó go háirithe do na héifeachtaí comhshaoil agus don ghá saobhadh iomaíochta sa mhargadh inmheánach a leanann ón socrú idirthréimhseach a laghdú, nach leor na pleananna sin chun na cuspóirí sin a chomhall, cuirfidh sé an Liotuáin ar an eolas. Laistigh den trí mhí a leanann, cuirfidh an Liotuáin in iúl na bearta atá glactha aici chun na cuspóirí sin a chomhall. Má mheasann an Coimisiún iardáin, i gcomhairle leis na Ballstáit, nach leor na bearta sin chun na cuspóirí sin a chomhall, cuirfidh sé tús le himeachtaí um shárú faoi Airteagal 226 de Chonradh CE.

*Foscríbhinn A**dá dtagraítear i gCaibidil 1 d'Iarscríbhinn IX (\*)*

---

---

(\*) Féach IO C 227 E (Eagrán Speisialta), 23.9.2003, lch. 115.

*Foscúbhinn B**dá dtagraítear i gCaibidil 5, Roinn B, Foroinn I d'Iarscúbhinn IX (\*)***Liosta bunaíochtaí, lena n-áirítear easnaimh agus teorainneacha ama chun na heasnaimh sin a cheartú**

---

---

(\*) Féach IO C 227 E (Eagrán Speisialta), 23.9.2003, lch. 438.